

佛祖統紀

卅四
六

風陵文庫

文庫19

F 229

12



法門光顯志第一

佛祖統紀卷三十四

天宋景定四明東湖沙門

志磐撰

佛法不思議且將兩冥於真俗不二之際至若示之以建化之門則必憑藉佛事以助明住持三寶之相即事而真撰法門光顯志

佛像

帝釋請佛升初利天為母說法優填王拘睺彌國王

思觀如來即以栴檀作如來像高五尺增一阿舍

真王請目連以神力接工人上天安親觀妙相用栴檀雕像高至五尺

鑄像波斯匿王聞優填王雕像乃以紫磨黃金鑄作

佛像亦高五尺時閻浮提內始有二像增一阿舍

云優填王鑄金像

山門禪定
蘭若藏本

F0229-(12)

畫像漢明帝使秦景往月氏國得優填王雕像師第
四畫樣此西土畫像始敕圖於洛陽西陽城門及顯節陵上
供養東土畫始

舍利塔佛入滅帝釋於善見大城起四塔城東照明
園髮塔城南粗澀園衣塔城西歡喜園鉢塔城北駕
御園牙塔名初利四塔又迦維衛國生處塔摩竭提
成道塔波羅奈鹿野轉法輪塔拘尸那城雙樹間涅
槃塔謂之入中四塔增一阿舍佛滅度後百年阿育王取
佛舍利夜役鬼神碎七寶末造八萬四千塔尊考邪
舍舒指放光八萬四千道令羽飛鬼各隨一光盡處
安立一塔於一日中徧瞻部界在震且國者一十九

所阿育王傳○十九塔可知者有五處洛陽白馬寺

東聖家建康長干寺塔四明阿育王塔劉薩訶於

浴佛四月八日是佛生日人民念佛浴佛形像摩訶

經浴像時誦偈云我今灌沐諸如來淨智莊嚴功德

聚五濁衆生令離垢願證如來淨法身浴佛

浴僧首陀會天請佛及僧洗浴供養佛告阿難此天

由此福行未來得佛號曰淨身賢愚經○首陀會天

六欲十八梵之名者皆天子也如許數數浴生世善

故律四分

輪藏梁傳大士愍世人多故不暇誦經及不識字乃

於雙林道場創轉輪藏以奉經卷其誓有曰有三登

吾藏門者生生不失人身有能信心推之一匝則與
誦經其功正等有能旋轉不計數者所獲功德即與
讀誦一大藏經正等無異藏前相承列大士像備儒
道釋冠服之相者以大士常作此狀也佛中為王荆
道冠。儒履。釋袈裟。和會三家。作一家。公讚其像曰
志。卻。率。隨。天。上。路。雙。林。處。坐。待。龍。華。列。八。大。神。將。者。
八部天神也保境將軍者在日為傷幸發誓護藏者
也義為勝。舊。各。為。傷。
詳見傳大士傳。

大士籤天竺百籤越圓通百三十籤以决吉凶其應
如響相傳是大士化身所述釋門
正統
供燈佛告舍利弗有人於塔廟形像奉施燈明乃至
以少燈炬如此福德唯佛能知施燈
經

身燈佛言我昔於閻浮提作國王刺身出肉深如大
錢以藕油灌中作千燈炷語婆羅門請說經法求無
上道菩薩本
行經菩薩為法因緣刺身為燈涅槃
經

無盡燈賢首法藏師為則天以十鏡置八隅中安佛
像然燈照之則鏡鏡現像以表利海重重無盡之意
諸宗立
教志

放燈佛教初來與道士角試燒經放光而卷帙無損
時當正月十五日明帝乃令每於此日燒燈以表佛
法大明自是歷朝每當上元必放燈本朝太平興
國六年敕下元亦放燈三夜為軍民祈福
僧史
無盡財供養佛華多聽轉賣買香油猶多者轉賣無

盡財中僧祇律○釋氏要覽云。世言長生錢者是也。子母滋生。故稱無盡。

誦懺儀僧傳稱漢魏以來請僧設供同於祠祀起坐

威儀略無規矩至晉朝安法師始依經律作起請禮

誦等儀立為三例一行香定座上誦二六時禮懺三

布薩等法其後遠法師復立法社節度有文在廬山集唐宣

律師立分五衆物儀章服儀歸敬儀鳴鐘犍度照律

師作落髮儀皆附時傍教以為法也釋門正統

諸經行法智者製法華三昧儀國清百錄載荆溪述補助

儀以資觀想法智撰大悲心咒行法金光明懺法慈

雲撰金光明護國儀依百錄述補助及撰淨土懺儀

彌陀懺儀請觀音懺儀熾盛光懺儀神照撰仁王懺

儀淨覺撰楞嚴懺儀如意輪課法智涌撰功德天懺
儀皆諸祖依四三昧自行化他之法也

供佛諸如來者皆是法身若在世若滅後所有供養

福無有異寶積經供養佛者得大福德速成菩提不思議

若施畜生得百倍報施破戒者得千倍報施持戒

者得萬倍報乃至施佛得無量報我今分別諸福田

故作是說優婆塞戒經若人供養十方佛諸菩薩聲

聞不如有人施畜生一口飲食乃至施餓狗蟻子悲

田最勝像法決疑經一分施難勝如來一分與最下

乞人福田無二維摩經此言世言供三千佛者過去

莊嚴劫始華光佛終毗舍浮佛一千佛現在賢劫始

拘留孫佛終樓至佛一千佛未來星宿劫始日光佛終須彌相佛一千佛經三劫各有一卷言供千佛者現在賢劫千尊也

供知識文殊南遊至福城東際為善財童子說法令求菩提近善知識從此經歷一百十城參五十三善知識入普賢道場得微塵數三昧明法界品

供羅漢佛滅時付囑十六阿羅漢與諸施主作真福田時阿羅漢咸承佛敕以神通力延自壽量若請四方僧設無遮施或所住處或詣寺中此諸尊者及諸眷屬分散往赴蔽隱聖儀密受供具令諸施主得勝果報法住記始賓度羅終除四大羅漢十六羅漢餘

皆入滅四大羅漢者彌勒下生經云迦葉賓頭盧羅

云軍徒鉢數十六羅漢出寶雲經然賓頭盧羅云已在十六之數今有言十八者即加迦葉軍徒妙樂

此云不動有於十六加賓頭盧者即是賓度羅加慶友者自是佛滅百年造法住記者述十六羅漢受獨住世則知慶友不在住世之列今論十八生者當以妙樂為證淨覺撰禮讚文亦據妙樂

佛在忌齋如來於周穆王五十三年壬申二月十五日

入滅凡在伽藍必修供設禮謂之佛忌北魏簡釋師

法師撰禮讚文○南岳禪師陳大建九年六月二十二日忌

志書為南朔○智者禪師隋開皇十七年十一月二

十四日忌孤山撰齋忌疏○章安禪師唐正觀二

年八月七日忌周慈雲撰禮讚文○法華禪師唐永隆元

年十一月二十八日忌

○天宮禪師唐

高宗朝志○左溪禪師唐天寶十三載九

月十九日忌志○荆溪禪師唐建中三年二月

五日忌志○螺溪法師宋雍熙四年十一月四

日忌志○寶雲法師宋端拱元年十月二十一

日忌志○法智法師宋天聖元年正月五日忌

壽此山顏雪溪名賢○慈雲法師宋明道元年十月

十日忌陳俞○神照法師宋皇祐三年五月十八

日忌志○廬山法師晉義熙十二年八月六日

忌志○達磨禪師北魏大統元年十月

五日忌志○南山律師唐乾封二年十

月二日忌神○太智律師宋政和六

年九月一日忌顏

僧齋佛言持食施僧有五種福德色力命安辨上座

施食應誦偈曰施者受者俱獲五常色力命安得無

礙辯佛言施食有五福施命施色施力施安施

辯何謂施命人不得食七日壽終智者施食則為施

命其施命者世世長壽財富無量何謂施色人不得

食顏色顛顛智者施食則為施色其施色者世世端

正顏色曄曄何謂施力人不得食所作不能智者施

食則為施力其施力者生天人間力無等雙何謂施

安人不得食心愁身危不能自安智者施食則為施

安其施安者世世安隱不遇眾殃何謂施辯人不得
食身羸意弱口不能言智者施食則為施辯其施辯
者慧辯通達聞者歡喜是為五福施食五施有三法
一送食至寺名上就舍供養名中造舍乞施發心供
養名下增一阿若檀越設食召請眾僧遣人防門遮
障比丘老病貪乞不聽入會徒喪飲食了無善分法像
決疑四輩弟子若行齋戒心當存想請十方僧不擇
善惡持戒毀戒高下之行到諸塔寺請僧之若僧次
供養其福最多經晉廣檀越來請眾僧客僧有利養分
僧坊主應次第差又世人別請五百羅漢菩薩僧不
如僧次一凡夫僧梵網佛入舍婆提城乞食有婆羅

門以佛數數到其家心作是念是沙門何以來數數
如負其債佛時說偈曰時雨數數墮五穀數數成數
數修福業數數受果報婆羅門聞已慚愧取鉢盛食
奉佛懺悔出家得阿羅漢大智若人能日日立要先
施僧食然後自食如是施中最上優波塞戒經○今
此起於
設粥舍衛國難陀母作釜飯逼上汁自飲覺身中風
除食消便作念閻梨是一食人應當食粥乃取多水
少米煎去二分入胡椒華荈持詣佛所白言願世尊
聽諸比丘食粥佛許之為說偈曰持戒清淨人所奉
恭敬隨時以粥施十利饒益於行者色力壽樂辭清

辯宿食風除飢渴消是名爲藥佛所說欲得人天長
受樂應當以粥施衆僧辨律二義粥出釜盡不成
字名不正食律僧祇明相出始得食粥餘皆非時四分
日照剡部樹天作白色舒手見掌文分明是爲明相
婆沙論粥名小食增輝

乞食梵語分衛此云乞食善見論凡乞食爲四分一奉
同梵行一與窮乞一與鬼神一分自食寶雲經行乞食
者破一切憍慢法集經食有三種一受請食二衆僧食
三常乞食前一食起諸陋因緣若得請便言我有德
若不請則嫌恨彼或自鄙薄是貪法則能遮道共僧
食者常隨衆法斷事擯入料理僧事心別散亂妨廢

行道者如是怙亂應受乞食法十二頭

持齋佛言日中二世佛食毗羅二昧經○時食若午

時日影過一髮一瞬即是非時律僧祇若比丘非時食

者波逸提四分戒本○十誦律波逸提義翻爲墮齋者以過中

不食爲體毗婆沙論佛言一日持齋有六十萬歲糧復有

五福少病身安少睡少婦得生天識宿命雜譬喻經齋者

齊也齊身口業也齋者祇是中道後不得食者表中

法界外更無別法也請觀音疏

出生飯此有二緣一者涅槃經令施曠野鬼毗奈耶

律令施鬼子母等此曹本食肉啖人佛化之受戒不

殺乃囑弟子隨處施食今齋堂各各出衆生食是也

此唯出家人行之。二者餓口經。託阿難為緣。令施餓鬼食。今齋堂別具小斛。於食畢。衆作法施之。或各具小生斛。夜間咒施。此通道族行之。

三長齋佛謂提謂長者曰。四時交代歲終。三覆以校。一月六爰。諸天帝釋太子使者。閻羅鬼神俱用。正月五月九月且日。案行王民龍鬼鳥獸為善惡者。與四王一月六奏。使無枉錯。覆校衆生罪福多少。福多者。救司命下閻羅五官除罪增祿。故使持具。三長齋。提謂。若佛子。於六齋日。年三長齋月。作殺生劫盜破齋。犯戒者。犯輕垢罪。梵網戒經。○世人以此三犯。月忌。上。任者。避行刑。故爾。
六齋帝釋。敕四王各治一方。白月八日。遣使者案察。

衆生善惡。十四日遣太子。十五日王親臨。黑月三日。亦如是。若王親下。星宿鬼神俱時隨從。如遇修行齋戒。諸天相慶。即為注祿增算。四天王經。若國王大臣於六齋日。敕諸境內。令行不殺。晉賢觀經。

十齋每月十齋日。持佛菩薩號。乞福滅罪。十齋經。於月日。十八。一十四。二十一。二十八。四日也。今國律。令諸州十五。日。不得行刑。正。探。此。義。

七七齋人死。中有身。若未得生緣。極七日住。死而復生。如是展轉。生死至七七。日。決定得生。若有生緣。即不定。今尋經旨。極善惡。無中有。瑜珈論。○中有。亦名。其。次。生。人。天。極。惡。即。入。地。獄。或。生。三。惡。道。即。日。死。亡。不。經。中。陰。今。人。亡。每。七。日。必。營。齋。追。福。謂。之。齋。七。者。令。中。有。種。子。不。轉。生。惡。趣。也。氏。釋。

述曰孔子曰子生三年然後免於父母之懷故報以三年之喪佛經云人死七七然後免於中陰之趣故備乎齋七之法至於今人百日小祥大祥有舉行佛事者雖因儒家喪制之文而能修釋門奉嚴之福可不信哉

預修齋普廣菩薩白佛言若善男女未終之時逆修生七然燈懸幡請僧即僧次請供也轉經舉此為例得福多否佛言其福無量又言父母親族命終受苦為其修福得福多否佛言七分獲一緣前生不信道德故若以亡者嚴身之具屋宅園林以施三寶可拔地獄之苦

隨願往
生如

述曰案東堅志載鄂渚王媪常買紙錢作寄庫令僕李大代書押媪亡李忽得疾仆地三日蘇云為陰府追捕至庫所令認押字李曰此我代主母所書也引見金紫官問答如初官曰但追證此事可令回將出媪至大喜曰汝來荷我寄庫錢方有歸也今人好營預修寄庫者當以往生經為據以冀堅志為驗

毗婆尸佛遺法之中有諸比丘四衢道上施座置鉢作是言曰誰有人能舉財著此堅牢藏中若入此藏王賊水火所不能奪雜寶藏經

供天煥法師以天位失序，寧述天傳，謂梵釋四王皆
有君主號令之權，功德則寄於北天。大辯則寄於山
澤，此為有主客義也。功德大辯為女，梵釋四天為男。
此有男女義也。密迹、春屬皆大菩薩，是為本現，居神
像是為迹。此有本迹義也。功德大辯，更答天示女，實
而能對揚佛化，則謂之顯餘。雖影響而言，行不揚，則
謂之晦。此有顯晦義也。知此四端，可與言天矣。

述曰：槃尊案煥師義，述供天禮文。板在東瓶，尊
設寺塔，負定
十六位，先梵釋次北天。法智謂經家先標北方者，
西土，以北方為上。次東南西天，次功德大辯。若摩
利支、韋駄二天，是明智住南湖日，加入之。事見次
本傳

密迹、散脂、樹神、地神、鬼母二十八部，共十六位，以
此為定。訶利帝，此翻惡賊，蓋是鬼子母，未受戒時，
食王城男女，居人怨之，故作此目。今既護法，須當
削去。煥師天傳，曉石芝光明，助解並云：經中雙舉
祇目一人。淨無住，居月波日，每當歲且修懺，必於
天位，刪去訶利帝南一句，不令補唱，謂
祖師但順經文，失於刪削，然舊立十二位者，依懺儀也。十四位
者，後人加樹神、地神也。十六位者，加摩利支、韋駄
也。或加日月、娑竭羅龍等，或為十八，或為二十。雖
據經文，實為沈濫。世有靈師天傳者，正墮此弊也。

孟蘭盆供經言是佛弟子修孝順者，應念念中常憶

註見諸
天禮文

父母乃至七世父母年年七月十五日以百味飲食
安盂蘭盆中施佛及僧以報父母長養慈愛之恩孟
盆經○此六翻解倒懸言奉盆供於
三寶福田用以解倒懸之憂

述曰目連訖救母以興緣如來云奉盆以垂法所
以教人道以報重恩也自大教東流古今帝王所
以奉盆供者為多矣事見會然今之寺舍多於此
要志目施斛供亡如常法者雖無奉盆之儀而不失孟
蘭之意

水陸齋梁武帝夢神僧告之曰六道四生受苦無量
何不作水陸大齋以拔濟之帝以問諸沙門無知之
者唯誌公勸帝廣尋經論必有因緣帝即遣迎大藏

積日披覽創立儀文三年而後成乃建道場於夜分
時親捧儀文悉停燈燭而白佛曰若此儀文理協聖
凡願拜起燈燭自明或體式未詳燭暗如故言訖一
禮燈燭皆明再禮宮殿震動三禮天上兩華天監四
年二月十五日就金山寺依儀修設帝親臨地席詔
祐律師宣文當時靈響不能備錄周隋之際此儀不
行至唐咸亨中西京法海寺英禪師夢泰山府君召
往說法後獨坐方丈見一異人前告之曰向於泰山
府君處竊覩尊容聞世有水陸大齋可以利益幽品
其文是梁武所集今大覺寺吳僧義濟得之願師往
求如法修設師尋詣大覺果得其文遂於月望修齋

已畢復見向異人與徒屬十數前致謝曰弟子即秦莊襄王也莊襄王也 非襄是秦始皇父至唐咸亨九百四十年又指其徒曰此范雅穰侯白起王翦張儀陳軫皆秦臣也咸坐本罪幽囚陰府昔梁武金山設會前代紂王之臣皆得脫免弟子是時亦暫息苦但以獄情未決故未獲脫今蒙齋懺弟子與此輩并列國君臣皆承法力得生人間言訖而隱自是英公常設此齋流行天下東川楊詩水陸儀○蜀中

有楊推官儀文盛行于世述曰昔真隱史越王嘗過金山慕永陸齋法之盛乃施田百畝於月波山專建四時水陸以為報天地君親之舉且親製疏辭刻石殿壁撰集儀文刊

板于寺既而孝廟聞而嘉之賜以水陸無礙道場宸翰痛于殿建今百年修供惟謹去月波里所有梵苑曰尊教師徒濟濟率沙門族姓三千人施財置田一導月波四時普度之法先是尊教同人有謂越王疏旨之辭專為平昔仕官報效君親之舉美則美矣而於貴賤貧富未見平等修供之意乃力挽志嚆續成新儀六卷推廣齋法之盛而刻其板復依準名位繪像懼者二十六軸及今創立齋會於是儀文像軸皆得其用時主其事者寺沙門處謙清節文學師茲以法施者月波住山宗淨也以文字施者則志繫也當願十方仰藍視此焉

法大興普度之道

六道斛淨名經云以三食施一切言一切則供養諸佛及眾賢聖然後可食南岳隨自意三昧云凡得食應云此食色香味上供十方佛中奉諸賢聖下及六道品等施無差楚且反不齊也別天台觀心食法鳴鐘後斂手供養一體三寶次出生飯稱施六道此皆等供十界即是今人施六道修水陸供之明證也

述曰妙樂云世人設六道者是梁武見江東多淫祀殺生命乃以相似佛法權宜替之此蓋荆溪一往以祭祀惡法對佛法論之將以止天下之殺故未論十界等供之義談中經令供養三寶即是四

聖供婆羅門仙即是人道供談口衆即是鬼道餘四道雖不備蓋是當時赴機未普故經文隱略耳若大乘行人圓觀法界則當依淨名經中義若慈雲謂鬼道得食餘五道不得者此等意亦是用婆沙論云若因祭祀唯鬼神得之餘趣不可盡得此是約人世祭祀言之耳若依出世法用平等心修無礙供則當仰觀淨名南岳天台三處之文則理無不在今有營小斛曰散灑者或一巨斛者或至四十九斛者皆所以等供六道群品也可不信哉

十五供世傳唐道明和上神遊地府見十五分治亡人因傳名世間人終多設此供十五名字藏典傳記

可考者六。閻羅五官

二名見三長平等

華嚴感應傳

者。追至平等王。因誦般若。泰山

人欲了知。四句偈。得放廻。泰山

孝經。接神契。泰山。初江。夷堅志。池州郭生。夢入冥府。

冥司。錄我忠孝。正直。不秦。廣。夷堅志。南劍。陳生。既死。

害物。得作初江王。一紀。秦。廣。其弟之。女。見一鬼。尊。空。

宮殿。曰。秦。廣。王。也。王。謂。女。曰。欲。救。伯。苦。可。轉。入。師。經。

女。寤。家。人。求。得。經。請。僧。誦。千。遍。兄。夢。弟。來。謝。曰。已。獲。

生。歐陽脩。夢。十王。見。通。塞。志。

無常鐘。智者臨終。語維那言。人命終時。得聞鐘聲。增

其正念。惟長惟久。氣盡為期。見。本。紀。此。言。南山。事。鈔。

云。病者將終。打無常磬。增一阿含經云。若打鐘時。一

切惡道諸苦。並得停止。鐘。法。度。付。法。藏。經。云。罽。賓

王。以。好。殺。死。作。千。頭。魚。劍。輪。遶。身。隨。斫。隨。生。有。羅。漢

充維那。依時打鐘。聞聲之時。劍輪住空。遣信白。令長

打過。七日。已。受。苦。即。止。後。之。言。南。唐。先。主。因。殺。降。人。

囚。陰。獄。唯。聞。鐘。聲。則。暫。息。苦。入。冥。者。見。之。以。報。後。主。

乃為造一鐘。於清涼寺。鐫其上。云。薦孝高皇帝。脫幽

出厄厄。通塞志。晉。斯。為。近。證。

挂幡若。四輩弟子。男女命終。造作黃幡。懸著刹上。離

八難苦。得生十方淨土。隨風一轉。轉輪王位。乃至改

塵。小主之位。其報無量。至成菩提。普廣菩薩經。此。別。緣。非。經。本。事。

傳。錢事祖云。唐明皇使王與為祠祭使。自漢世葬者

有瘞錢。後世稍以紙寓錢。為鬼事。至與乃用之以禳

夜冥報記云鬼所用錢即紙錢也若絲絹者亦紙為之銀即錫塗金即黃塗也

述曰唐以前無紙錢為用者自王與盛行此法於是冥中藏積緡錢金銀緡絲與世間所用無少異由心法之能變造故天府冥關亦隨人心而轉世有用紙錢寄庫者有鬼神用紙錢入人間買物者有見泰山堆積蠟錢無用云人間化財用油炸度火為汗者此等顯驗不一心生則種種法生不特紙錢一法而已也

光明經述流水長者救魚千千天子報德此緣起也智者買斷龍羅悉罷江上採捕此立法也赴計

謝獄中之難報修禪堂上之恩此顯驗也此三事並見智者錄

唐肅宗乾元二年詔天下置放生池凡八十一所顏

神為本朝真宗天禧元年詔復天下放生池沿江淮

州郡上下水五里並禁採捕二事詳見通鑑志慈雲奏西湖

為放生池以四月八日會郡人縱魚鳥法智於南湖

以佛生日放魚鳥祝聖人壽樞密劉均奉勅撰碑此

皆放生之梗槩也

佛為曠野鬼神鬼子母等改棄血食而受僧眾

出生之食此緣起也二事並見曉石芝苑梁武皇魏

獻文勅郊廟不用牲牲唯薦蔬麩此人主立法也事

見通志智者為關王授戒慈雲為白鶴授戒皆令禁斷

葷血專事蔬食此沙門立法也慈雲有改祭文并決疑十頌備引證驗

戒五辛佛戒五辛以其臭穢能障聖道食之者必招

無間之業耳今人不能戒是不欲見聖道而甘為無

間之罪葷可不哀哉茲用備錄經律為世告勸粲然

五章幸思遵奉

一名體會異夫言葷辛是為二義葷與葷而非辛如

臭菜阿魏是也辛而非葷芥薑是也是葷是辛五辛

是也梵網云大蒜天台疏云胡荽茗葱廣韻山葱葱

葱正名蘭葱小與渠臭荳蔻也生熟皆臭葉如蔓菁其

法師云烏茶國雜阿舍云葷葱茗葱葱葱木葱非小

葷蒜大與渠此五出涅槃經葱韭菹但列三各楞伽經葱

韭菹蒜但列四名不出與渠而加以此方言五辛當

云葱韭菹大蒜小蒜如楞伽所列云

大乘末制楞伽經云臭穢不淨能障聖道亦障入

間人天淨處何況諸佛淨土梵網云若佛子不得食

五辛故食者犯輕垢罪不墮注體非重過故楞嚴云

熟食發嬌生啖增恚十方天仙嫌臭遠離諸穢鬼等

舐其唇吻常與鬼住福德日銷長無利益大力魔王

現作佛身來為說法非毀禁戒讚娼怒癡命終為魔

眷屬永墮無間涅槃云食者當生苦處汗穢不淨金

棺敬福經云飲酒食肉五辛之人雖造經像勞而少

功主匠無益諸天不祐

三小乘病開報應經云。七衆不得食肉葷辛。有病開
在伽藍外白衣家服滿四十九日。香湯澡浴。然後讀
誦不犯罪。雜阿含云。食五辛。人觸穢三寶。死墮屎糞
地獄。出作野狐豬狗。若得入身。其體腥臭。僧祇律。閉
病比丘服蒜。聽七日在一邊。小房不得卧。僧牀褥。誦
堂。大小便處。皆不得到。不得僧中食。不得就佛禮
拜。得下風。送禮七日滿。澡浴。惠衣。方得入衆。

四方便救過楞嚴云。持此咒時。衆破戒罪無問。輕重
一時銷滅。縱經飲酒食啖五辛。佛菩薩天仙。不將爲
過。觀世音隨羅尼經灌頂印咒。二大母指屈掌中。捻
無名指。以無名指相背。二小指頭相拄。二中指直豎。

頭相拄。二頭指屈。各捻中指背上。咒曰。唵步三末羅
薩摩鹽莎訶。誦二十一遍。自灌其頂。每旦於盆上結
印誦之。持咒之人。犯欲及五辛。誦此咒解之。云此二
咒法。以備誤犯之用。若恃此術。數犯數解。則是重增
瀆法之罪。咒部神王反生。嗔譴適足以速無間之業
也。可不謹哉。

五三教事證。竺曇猷禮天台石梁。遇聖僧。謂曰。汝母
懷妊時。行經葱園。胎氣犯穢。不可往寺。僧鏡錄天竺沙
門覺稱云。吾國食肉五辛者。驅出城外。故國中無貨
此。道藏云。誦黃庭經。忌食五辛。又云。道士受法。忌淹
穢五辛。仙傳云。樂子甚。舉家飲酒。升天。獨從子墜。

地天神言此人茹蒜故不得往司馬公祭儀云凡祭
雖得飲酒而不^{謂改}至亂^{常度}食肉不茹葷^{謂葱蒜韭}
述曰為不急之物而自招無間之報者世人啖五
辛是也今諸師家多忽此事豈不痛哉昔檀菴食
三白正避此過耳非故為是矯世之行也因撰述
斯文念今時知法者遂發其願曰願十方諸佛菩
薩天仙聞我祈請咸起加護願使禪林教習律苑
三宗法門若主若伴咸知思護淨戒不於清淨
伽藍種葱薤之臭草不於清淨齋供而和葱薤之
臭味不以清淨身器而啖葱薤之穢食當知其入
與境若不清淨則凡齋戒禪誦法事之所豈復可

得感佛天而降神祇乎豈復可得卻災殃而來嘉
祥乎豈復可得動幽冥而拔沈滯乎當願普天之
下凡僧藍道觀齋廚之內不用葱薤調和衆食及
私自煮啖凡官府第宅齋醮之際於十日前嚴行
禁斷不踏非法僧道赴請受齋俗舍常須自檢不
得故食誤食自取穢染庶乎人心交勸共隆聖道
將俾事佛事天清淨謹嚴自行化他二俱有益毋
忘今日立願之本伏惟佛眼照之天心監之決意
禁斷用逃苦報

喪服釋氏之論喪服涅槃諸律並無其制智者臨終
誠曰世間哭泣喪服皆不應為今案遠師喪儀云受

業和上同於父母皆三年服若依止師隨喪暫為服
應師五杉集云師服但用布稍粗純染黃褐此未

白布

述曰今人無識多用白布為直掇坐具違失僧儀
最為非法今請於黑布偏衫之下著白布衫袴以
表制服二師父母皆同此制若義家父母亦可例
此隨俗稍用紵布上不違涅槃諸律之無文下不
棄遠應二師之義開隨方護法當用中道

戒焚亡僧不搭袈裟律明三衣唯許傳授未開佛祖
被亡軀而從火焚也未代無知多行非法有識之士
尚須辨明若坐逝不壞結塔以葬者猶可以被於真

體若從茶毗火化之法者則不當披搭自取燒衣違
律之過或謂亡僧無衣者則當如冥祥記僧妙施衣
之法云南宋江陵龍華寺僧妙既亡之後一夕歸房
靈語弟子可宗問和上今生何處妙曰粗可耳但應
受小謫二年得免設許所司為無袈裟可急為製請
僧設供以衣施之我得也宗如教飯僧觀衣既畢
比丘道益即見妙身披衣入堂依僧次坐聽經至散
乃不復見

述曰譬自聞此適子姪真視真語真亢不幸早世
焚龕之日皆不披袈裟唯用布偏衫裙而已設齋
之前以平時所服七條作闡拈法於僧中施且復

兜率。託母胎住胎宮。示降生出父家。成佛道。轉法輪。入涅槃。於是。一代。化事。為之大備。始。習王。甲寅。終。穆王。壬申。以為大綱云。

明本迹

佛告大衆。一切世間天人。謂我出釋氏宮。去伽耶不遠。坐於道場。得阿耨多羅三藐三菩提。然我實成佛已來。甚大久遠。若斯法華經明大機我於無量佛所。種諸善根。為轉輪聖王。最初值遇三十億佛。同名釋迦云。最後值迦葉佛。彼佛記我。汝於來世當得作佛。號釋迦牟尼。我如是奉事諸佛。修學佛意。爾乃生兜率天宮。住一生補處。菩薩本行經明小機所見本迹。文。○梵語佛陀。此云覺者。佛上。

世釋迦氏佛生淨飯王宮故多釋氏宮伽耶此云山城淨飯土都城也阿耨至菩提此云無上正等正覺佛之德稱也迦葉此云飲光言身光飲餘光釋迦此云能仁牟尼此云寂默佛之別名兜率此云知足天後身菩薩將成佛時先上生兜率然後下生南洲上天竺國自兜率來補佛處故曰一生下

下兜率

菩薩從兜率天將降神時有十佛刹微塵數菩薩皆與菩薩同願同行乃至普賢神通行願悉皆同等華嚴

菩薩生兜率天名曰聖善為諸天主說補處行期運將至當下作佛觀此大千界閻浮提迦毗羅國最為處中觀淨飯王夫妻真正堪為父母告諸天子我應下生淨飯王家乘輪王位出家學道成一切種智轉

大法輪廣利天人汝等是時亦當同會因果經云六

義見三界志閻浮提又瞻部南洲也毗羅此云黃色

土德尚黃居中淨飯迦毗羅國王一切種智佛所

得三智一切種智中諦也轉去聲

託母胎起信論有住胎華嚴經住母胎已示現出家

皆在胎菩薩已從此沒生於人間淨飯王家乘梅檀樓

閣處摩邪夫人胎華嚴經云栴檀香木此云與樂

菩薩乘六牙白象發堯率宮放大光明普照十方以

四月八日明星出時降神母胎從右脇入因果

示降生

周都昭王報自武王受命

昭王至昭王為四世

二十六六年甲寅劉道原外紀二十六年甲寅

夫人攀金園樹枝而生菩薩諸天王眾各持香水共

以洗沐華嚴初生之時於十方面各行七步聖樂

夫人往藍毗尼園中四月八日初出時舉右手牽

無憂樹華菩薩從右脇出墮七寶華上自行七步舉

右手而言曰天上天下唯我獨尊王召諸婆羅門當

作何名答言太子生時多有吉祥當名薩婆悉達此

一切義成出因昭王甲寅四月八日江河池井沆溢宮殿大地震動

五色光氣入貫太微徧於西方王問太史繇由曰若

何祥乎對曰有大聖人生於西方一千年外聲教及

此王命鑄石置之南郊天祠前周書異記劉恂外

賈紫微井水溢

四十年二月八日淨飯王大會群臣小主婆羅門以

七寶器盛四大海水灌悉達頂立為太子內果經婆

淨行外道之總名

四十二年王為太子迎婆羅門女耶輸陀羅為妃太

子常修禪觀未嘗有夫婦道因果經耶輸陀羅

出父家

菩薩欲令著家衆生捨離家法故宣揚出家功德示

現出家華嚴

五十年太子白父王言唯願聽我出家學道王曰國

未有嗣太子即以右手指妃腹曰卻後六年汝當生

男二月七日太子身放光明照諸天宮諸天皆知太

子出家時至皆來禮足太子乘馬夜出城門至苦行

林中自剃須髮淨居天化作獵師身披袈裟太子以

七寶衣與之貿易天明至尼連禪河靜坐思惟宜應

六年苦行淨心守戒日食一麻一麥因果經淨居天

聖人所生袈裟壞色衣三衣名尼連禪河名此云不樂著

穆王備明子

成佛道

四年

菩薩於菩提道場成正覺華嚴三十成道號釋迦牟

尼梵既成道已梵天勸請惟願如來當為衆生廣開

甘露說無上法涅槃

太子念言我今修於苦行垂滿六年我當受食然後

成道時牧牛女難陀取乳煮糜以上菩薩如意飽食

即趣菩提樹下釋提桓因化為凡人施吉祥草敷以

為座結跏趺坐而自誓言不成正覺不起此座因果

本行經難陀此云歡喜女各釋提桓因此云能天主

即初利天帝釋菩提樹此云道樹佛坐此樹下成道

降天魔華嚴離世間此或見菩薩住兜率天入胎出

降魔胎出家成道降魔轉法輪入涅槃此即大乘

之文時魔王官歎自然動搖魔王波旬怖懼廣集軍

衆執戟操劍角目切齒橫飛亂擲菩薩觀之如童子

戲波旬語菩薩云汝不急去我擲汝海水菩薩語云

汝今先能動此濕瓶然後可能擲我海水時波旬不

能令動軍衆壞散波旬長子商主頂禮懺悔我父無

智觸忤大聖願得慈亮因果羅此云能奪命波旬魔王名

此云既降魔已放大光明即便入定思惟真諦悉知

過去所造善惡壽命短長一切衆生輪回五道無有

真實因果

二月八日明星出時天向霍然大悟得無上道成最

正覺因果亦同華嚴經先成道後降魔今約華嚴義

是歲邪輪夫人生子名羅睺羅此云覆障以在

轉法輪

如來既成道已轉正法輪初頓後漸則有五持華嚴

名頓教鹿苑方等般若名三漸法華涅槃為非頓非漸

第一華嚴時於菩提道場初說華嚴於三七月中思惟如是事此謂如來最初說頓約部為頓約教為兼別說圓如日初出先照高山又為從牛出乳三七日名寂

易華

五年第二鹿苑時為如來說頓獨被大機聲聞在座狀若聾瘡於是寢天施小不勤寂場而遊鹿苑為憍

陳如五人但說三藏教四阿含等經憍陳如此云無增一四者之名約時則次照幽谷約味則從乳出酪

鹿苑說十二年

十六年第三方等時彈指折小歎大褒圓四教俱說藏為半字通別圓為滿字對半說滿故言對教說淨名金光明等經約時則食時約味則從酪出生酥方等

年八

二十四年第四般若時轉教付財融通淘汰此不說藏教帶通別二正說圓教說摩訶般若諸般若經約時則禺中約味則從生酥出熟酥般若十二年

四十六年第五法華涅槃時開前一頓三漸會入非頓非漸以不同聾瘡故非頓不約三時故非漸諸部圓教並不須開但是部內兼但對帶故不及法華導一無雜約時則日輪當午罄無側影約味則從熟酥

出醍醐法華八年

入涅槃

言涅槃有二義一為法華未熟人道說四教具談佛性令知真常入大涅槃名捨捨殘機教二為末代乘戒俱失故更扶三藏廣開常宗設三種權扶一圓實名扶律談常教若論時味與法華同涅槃是臨滅時說從前文如來

既成道已轉正法輪以下詳見佛本紀中

五十三年甲午二月十五日佛在拘尸那城此云力士

生地娑羅雙樹間此云臨涅槃時出大音聲普

告大衆今日世尊將欲涅槃復從面門放種種光徧

照十方大衆集已而為說法我今所有無上正法悉

已付囑摩訶迦葉當為汝等作大依止猶如如來復

告大衆今以正法付囑國王大臣及四部衆應當勸

厲諸學人令得增上戒定慧爾時世尊於七寶牀右

脇而卧中夜寂然無聲是時娑羅雙樹垂覆寶牀慘

然變白猶如白鶴大衆哀聲普振世界時大衆共扶

如來入金棺中世尊大悲即自舉棺遮城七匝至茶

毗所大衆以妙香木成大香樓舉棺樓上佛為迦葉

復現雙足千輻輪相出於棺外迦葉禮讚金剛雙足

還自入棺從心胷中火涌棺外漸漸茶毗經于七日

香樓乃盡已上並涅槃經茶毗又

分舍利

帝釋開棺取佛右牙天上起塔大衆收取舍利此云八國共分舍利闍王得八萬四千數以紫金函盛於洹河中作塔藏之阿育王經

結集三藏

四月十五日大迦葉升須彌山此云高搥銅健椎此云反

法藏結諸法義集以成文阿難禮僧升座唱言我聞

如是一時佛在所居處迦葉大衆皆悉墮

淚昨日見佛今日已稱我聞論

迷曰佛道幽遠非可約說茲但為導吾宗之初學

與夫搢紳先生之欲知此道者耳年少氣盛疾讀

此書文雖無壅義則未解有能用此約說推尋佛

紀四卷之文以未解義贊之沙門之知教者字字

研詳條焉見理欲不之悟未之有也

穆王壬申歲二月十五日暴風忽起發屋折木山川

震動西方有白虹十二道南北通貫王問太史龜多

對曰西方大聖人終古之相周書異詁

穆王時西極之國有化人來入水火反山川千變萬

化不可窮極穆王敬之若神事之若君臨終南之上

繫中天之臺其高千仞列子

穆王時文殊目連文殊菩薩此云妙德西來化王示

高四臺是迦葉佛說法處姓高兄弟四人所造因造三會道場
於終南山築中天之臺其高千尺列子化人即文殊等王之第
二子於沁水北山石窟水出上黨造迦葉佛像王又
於鼓山迦葉佛舊寺重建竹林寺山神從佛請五百
阿羅漢居之天人感通傳

述曰佛法東流蓋已肇於穆王之世造像建寺悉
遵先佛之舊制信過去佛皆化及此地及室利房
等持經求秦而始皇謝遣出境蓋時未至機未熟
耳至漢明應夢三寶並興君臣民庶翕然歸命此
蘇由所謂一千年外聲教及此之嘉應也

穆王肆意遠遊命駕八駿之乘升于崑崙之丘遂賓

于西王母觴于瑤池之上西王母為王謠王和之王
百年乃徂世以為登假焉列子假讀作遐也即外也

懿王難宮王子

八年初祖摩訶迦葉此光云大先於法華會上聞佛說
火宅喻迦葉四大聲聞於此領解佛為授記名光明
佛此通法至沮槃時佛告大衆我今所有無上正法悉
已付囑摩訶迦葉當為汝等作大依止此別付法未代住持當用
別姨母所獻金縷袈裟慈氏成佛留與傳付迦葉弘
持至二十年以法藏付阿難隨即持佛衣往雞足山
入滅盡定以待彌勒下生此云慈氏姨母摩訶波闍

鷲山三峯如仰雞足

孝王辟方懿

三年二祖阿難慶喜佛持法至二十年於摩突羅

國以法藏付商那和修此云復於恒河中流化成金

地為末田地此云五百仙人說法授記

三十二年三祖商那和修於摩突羅國以法藏付優

波迦多此云大護

廣王胡庚

三十三年佛滅後百年中天竺華氏城王官阿育王

此云無憂遣使白迦多欲來問訊迦多往至王所摩頂說

偈指赤如來往昔行住之處悉令起塔復於恒河龍

宮取闍王所藏釋迦舍利作八萬四千寶塔勅諸鬼

神於閻浮提城邑滿一億家為立一塔云初佛在王

舍城乞食有童子遙見世尊心念我當施以麥麩即

手捧細沙著世尊鉢願以功德令得一天下繖蓋王

取蓋覆義即於此生得供養佛世尊微笑告阿難曰我滅

百年此童子統領一方為轉輪王姓孔雀名阿育正

法治化廣布我舍利造八萬四千法王之塔

迷曰摩騰謂漢明帝曰阿育王塔震且有十九處

大士告劉薩訶洛陽聖建鄴長鄧陰玉臨淄成都

五處有阿育王塔今十九處不可備知而考之五

處獨鄧陰之塔顯示世間可獲瞻禮信乎海瀕群

生未代值佛之幸也

三十四年佛滅後百年毗舍離城中跋闍子此云比立擅行十事佛聽兩指抄食乃至得受金銀一一檢校非法非毗尼此云七百阿羅漢集論法毗尼七百

五十一一年四祖趨多於摩突羅國以法藏付提迦多

平王賴白幽王子東遷洛陽

三十二年五祖提迦多於中天竺以法藏付彌遮迦四十九年魯隱公元年孔子修魯史春秋始於此

莊王他布子

七年佛滅後二百五十年文殊師利菩薩至雪山化五百仙人還歸本土放天光明徧照世界入於涅槃

○魯莊公七年夏四月辛卯恒星不見傳曰夜明也

傳注恒常也辛卯四月五日

述曰天台淨名疏言佛生時星殞如雨此因瑞應經有佛星下侍之言故借左傳之文以形容耳孰山淨覺不能別乃稱天台正取一莊為佛生之年然傳言辛卯自是四月五日可見不容若欲實大傳夜明之事正當以文殊放光涅槃為之驗也

襄王鄭惠王子

三年六祖彌遮迦於北天竺以法藏付佛默難提○秦繆公時扶風獲一石像公不識棄馬坊中護像神怒令公病又夢天帝責識以問侍臣由余往視像曰

佛神也。公即取像澡浴置淨室。像忽放光。公大異之。召匠造一銅像。

定王瑜非

三年九月十四日。老子生於楚陳郡苦縣屬鄉曲仁

里苦音。屬音類。姓李氏。名耳。字伯陽。謚曰聃。他耳反。耳。湯無輪。故號曰

聃。在母胎八十一年。剖左脇而生。生即皓然。故號老

子。生於李樹下。故姓李。黃色美眉。長身大目。鼻有雙

柱。耳有三門。史記及神仙傳。老子內傳。老子先天而生。在伏

羲時。號鬱華子。在軒轅時。號廣成子。至周。文武凡為

十二帝師。漢劉向列仙傳。晉皇甫謐高士傳。皆生於

商末。唐尹文操聖紀。老子於太清境託孕於玄妙玉

女。在母胎八十一。年。商高宗九年降生。四十二年乘

白鹿登庭檜飛升。檜。今在寧州太清宮。商紂二十一年降于岐

山。世本曰。在商為守藏史。在周為柱下史。周文王為

事。商故守藏史。昭王二十三年。老子駕青牛薄板車西

度函谷關。授關令。尹子道德經。二十五年復降于蜀。

李太官家。二十七年與尹子會于成都。青羊之肆。往

西域化胡。畢於于闐升天。內傳所引。降生不。附是于此。

簡王夷定

四年。老子為周守藏史。三皇五帝之書藏之於室。故曰藏。

十三年。老子為周柱下史。柱下。史官所立之處。言誌事。常在君前。

靈王泄簡

四年七祖難提於提伽國以法藏付佛默密多○王子喬者靈王太子晉也好吹笙作鳳皇鳴道士浮丘公接上嵩山三十年謂相良曰告我家七月七日待我緪氏山果乘白鶴舉手謝時人而去

二十一年十月庚子魯襄公二十二年孔子生於魯陬邑交

叔梁紇下發母顏氏禱尼丘而生首上圩頂故名丘

尼丘魯山各寺音字仲尼長九尺六寸史記

史記孔子世家商帝乙子微子殆封于宋十三世孔防叔

從居于魯防叔子伯夏伯夏子叔梁紇是生孔子闕

里記云誕生之夕二龍遶室五老降庭顏氏之房闈

鈞天之樂月角日準河自海口眉有十二采貝有六

十四理

景王貴靈王

十年孔子朝周時十歲問禮於老子訪樂於苒弘自周

反魯長音長周大夫

考異曰老子聖迹出有入無固難以內傳實錄諸文定于一然孔子問禮老聃老子之子宗為魏將此司馬史記所錄尤可為同時之證不必遽取前古數數降生也

敬王王子

元年老子西入函谷關關令尹喜見紫雲西邁知有道人當度迎設禮老子為著道德經五千言與尹子

西之流沙莫知所終尹喜著書九篇號關令子

考異曰史記老子傳注引神仙傳云老子與尹喜

俱之流沙今刊行列仙傳乃云俱之流沙化胡蓋

是道士家私增化胡兩字故以成化胡成佛之證

耳謬哉

十九年孔子為中都宰為養生送死之節長幼異食

強弱異任一年而四方諸侯則焉定公曰以此法治

魯何如子曰雖天下可也

二十一年孔子為司空立五土之性而物各得其所

生之宜

二十二年定公與齊景公會于夾谷孔子攝相事齊

歸所侵郟汶陽龜陰之田以謝過○孔子為大司寇

七日而誅少正卯大夫之亂政者隨二都之城郟費強公室

弱私家尊君卑臣政化盛行三月大治粥羔豚者弗

飾賈買鬻賣同男女別於塗道不拾遺四方之客至乎

邑者不求有司定公受齊女樂三日不聽政郊不致

膳俎音頰祭肉孔子遂行適衛

二十三年孔子自衛適陳過匡匡人以孔子狀貌類

陽虎訖焉適宋與弟子習禮大樹下司馬桓魋欲害

之拔其樹

三十二年孔子至陳

三十五年楚攻陳孔子在陳絕糧從者病莫能與復

去陳反衛

三十六年孔子自衛反魯然後樂正雅頌各得其所乃刪詩定書繫周易作春秋七十子之疇會集夫子所言以為論語

三十九年哀公十四年魯哀公西狩獲麟一麟孔子傷麟之出非其時遂絕筆於春秋

四十一年四月巳丑哀公十六年孔子卒孔子蚤作負手曳杖消搖於門歌曰泰山其頽乎梁木其壞乎哲人

其萎乎子貢聞之曰夫子殆將病也趨而入夫子曰予疇昔之夜夢奠於兩楹之間明主不興而天下其孰能宗予予殆將死也蓋寢疾七日而沒年七十二

葬魯城北泗水上弟子皆服三年三年心喪畢相訣而去唯子貢廬於冢六年弟子及魯人往從冢而家者百餘室因命曰孔里孔子以詩書禮樂教弟子蓋

三千人身通六藝者七十有二人孔子曰德行顏淵

閔子騫冉伯牛仲弓言語宰我子貢政事冉有季路

文學子游子夏孔門四科十哲孔子娶上官氏生鯉伯鯉生

及子思學于曾子嘗困於宋作中庸

述曰智者荆溪之論曰若眾生根性薄弱不堪深

化但授世藥如周孔制禮作樂五德行世邊表根性不感佛興我遣三聖化彼真丹禮樂前驅真道後啟清淨法行經云月光菩薩彼稱顏回別引法行經本

稱光淨菩薩 光淨菩薩彼稱孔子 別本稱儒童菩薩 迦葉菩薩

彼稱老子 別本云迦葉應生震旦示號老子設無身之教以治國假神之術以治身

此止觀輔行二處之證也又據藏本家摹因緣經

云閻浮界內有振且國我遣三聖在中化導人民

慈哀禮義具足 本 是知此土聖賢前後施化皆我

佛之所使然而昧者不足以知覽此二經可不增

信善哉李商隱 唐 之讚佛曰吾儒之師曰魯仲尼

仲尼師聃龍吾不知 史記孔子謂弟子曰至於龍吾不知其乘風雲而上天吾

今見老子 聃師竺乾善入無為 尹子云西外經老聃

有古皇先生不生不滅善入無為又云古先生者即吾之師實化乎竺乾又符子云老氏之師名聃

文稽首大覺吾師師師 三師者言我師仲尼仲尼師老老師釋也

元王 仁教三子

元年八祖密多於中天竺以法藏付脇比丘○宋大

夫墨翟著書十篇號墨子外治經典內修道術與儒

家分途務尚儉約頗毀孔子世多學之年八十二入

山精思至道有神人授以素書合朱英丹服之為地

仙乃述五行記著其事隱居以避戰國 見列仙傳

案葛洪神仙傳漢武帝遣使聘墨子不至後有劉

政治五行記服朱英丹色如童子變化隱形日行

數千里漢書藝文志墨子七十一篇顏師古注有

節用兼愛上賢明鬼神非命上同諸篇

貞定王 并元王子

元年鄭列禦寇隱居鄭圃著書稱孔子啓商太宰曰
西方之人有聖者焉不治而不亂不言而自信不化
而自行蕩蕩乎民無能名焉其書八篇名列子

張無盡論曰列子學孔子者孔子聖人也尚知尊
西方之教而學者未讀其書便以排佛爲務者何
也

考王

魏貞
定子

四年佛滅後五百年天竺國無著出世闡教其弟天
親初造小乘論五百部後因無著開悟復造大乘論
五百部世稱千部論師

威烈王

午考
王子

九年九祖朐比立於華氏城以法藏付富那夜奢

顯聖王

扁威
烈弟

三十三年孟子鄒人名軻師孔子之孫子思治儒術
之道通五經尤長於詩書是時未
有禮記孟子見梁惠王王
曰叟不遠千里而來亦將有以利吾國乎孟子曰王
何必曰利亦有仁義而已矣孟子與高第弟子公孫
丑萬章之徒難疑答問著書七篇述堯舜之道孟子
曰聖王不作諸侯放恣處士橫議楊朱墨翟之言盈
天下天下之言不歸楊則歸墨楊氏爲我是無君也
墨子兼愛是無父也無父無君是禽獸也孟子曰能
言距楊墨者聖人之徒孟子曰楊子取爲我拔一毛

而利天下不為也。墨子兼愛，摩頂放踵，利天下為之。故方往也。孟子曰：「逃墨必歸於楊，逃楊必歸於儒。」歸斯受之而已矣。墨子兼愛，無親疎之別，最為違禮。楊朱，逃者去也。去邪歸正，故曰歸去。墨歸楊，去楊歸儒，則當受而安之。

三十五年，十祖夜奢於華氏城，以法藏付馬鳴。初，馬鳴以刀貫杖，銘曰：「天下智士，能勝我者，截首以謝。時夜奢坐閑林中，說諸法空無，我無人，謂馬鳴曰：『若就世諦，假名為我，第一義諦，我何可得？』馬鳴知義不勝，欲斬首以謝。夜奢曰：『我法仁慈，不斬汝首。』如來記汝後六百年，當傳法藏於是度，令出家。○莊子名周，梁國蒙人，為漆園吏。當梁惠王時，其學無所不闡。然其

要本歸於老子之言，著書十餘萬言，大抵率寓言也。楚威王聞周賢，使使厚幣迎之，許以為相。周笑謂使者曰：「千金重利也，卿相尊位也。子獨不見郊祭之犧牛乎？養食之數歲，衣以文繡，入於太廟，當是之時，雖欲為孤豚，可得乎？子亟去，無汗我。」莊子師長桑公子，隱抱犢山，服北育火丹，白日升天。

赧王延觀王子

三十一年，十一相馬鳴於南天竺，以法藏付迦毗摩羅。摩羅造無我論，足一百偈。此論至處，魔外無不摧折。四十年，荀卿名况，善詩禮易春秋，齊襄王時，三為祭

酒適楚為蘭陵，今因家焉。著書三十二篇，名荀子。尊
王黜霸，貴仁義而賤功利。李斯韓非浮丘伯皆受業
為名儒。

韓退之讀荀子云：得荀氏書，考其辭，時若不醇，要
其歸與孔子異者鮮矣。抑猶在軻雄之間乎？孟氏
醇乎醇者也，荀與楊大醇而小疵。

籀子瞻論曰：李斯事荀卿，既而焚滅其書，大變古
先聖王之法於其師之道，不啻若寇讎。今觀荀卿
之書，然後知李斯之所以事秦者，皆出於荀卿而
不足怪也。荀卿者，喜為異說而不讓，敢為高論而
不顧其言，愚人之所驚，小人之所喜也。子思孟子

世之所謂賢人君子也。荀卿獨曰：亂天下者，子思
孟軻也。天下之人如此其衆也，仁人義士如此其
多也。荀卿獨曰：人性惡，桀紂性也，堯舜偽也。由是
言之，意其為人必剛愎不遜，而自許太過也。彼李
斯者，又特甚者耳。今夫小人之為不善，猶必有所
顧忌，是以夏商之亡，桀紂之殘暴，而先王之法度
禮樂刑政，猶未至於絕滅，而不可考。是桀紂猶有
所存，而不敢廢也。彼李斯者，獨能奮而不顧，焚燒
夫子之五經，烹滅三代之諸侯，破壞周公之井田，
此亦必有所恃者矣。彼見其師廢誣天下之賢人，
以自是其愚，以為古先聖王皆無足法者，由荀卿

高談異論有以激之也

秦都

始皇嬴政非

四年西域沙門室利房等十八人齎佛經來化帝以其異俗囚之夜有丈六金神破戶出之帝驚稽首稱謝以厚禮遣出境朱土行

十三年十二祖摩羅於南天竺以法藏付龍樹樹於佛滅後七百年出九十日中誦通三藏造大無畏論十萬偈明第一義一名大智度論龍樹

三十一年改臘為嘉平初茅濂學道丹成乘龍升天有童謠曰神仙得者茅初成漢之駕龍上天升太清

時下玄洲戲赤城繼世而能在我盈帝若學之臘嘉平始皇方求神仙聞謠言遂詔改臘為嘉平望祀蓬萊使徐福將童男童女入海求仙藥有茅盈者視濂為高祖父入常山學道二弟固衷仕漢為二千石茅君治江南句曲山山下人為立廟君或來時音樂導從自天而下人因呼其處曰茅山後二弟棄官尋兄亦得成真老君遣使持節以白玉板黃金刻書加九錫之命拜君為司命真君主其越生死之籍拜固為定錄君衷為保命君故號三茅君每十二月二日三月十八日三君各乘白鶴集於峯頂○太寃多枉死橫道有烏銜草覆死人面皆登時活始皇使使以問

鬼谷先生云。是東海祖洲不死草。生瓊田。一株可活
千人。始皇因遣徐福及童男童女各三千人。乘樓船
入海尋祖洲。不返。

三十四年丞相李斯請。史官非秦記。皆燒之。非博士
所職。天下敢有藏詩書百家語者。悉詣守尉雜燒之。
有敢偶語詩書者。棄市。制曰可。
三十五年始皇遣方士盧生求仙藥。不得。以為誅謗
乃自除犯禁者四百六十人。皆坑之咸陽。○衛宏古
文序後漢秦改古文。以篆為隸。國人誅謗。時諸生為郎
者七百餘人。始皇密令冬月種瓜於驪山。碭谷溫。麩瓜
實。乃使人上書。瓜冬有實。詔博士諸生訟之。人人各

異。則皆使往視之。而為伏機。諸生方相論難。因發機
填之。以土。漢書傳注

述曰。李斯勸秦焚書。阮儒其為逆天道。絕人理。為
甚矣。崔浩勸大武廢佛。焚其經。坑其徒。此用秦舊
法也。韓愈之言曰。人其人。火其書。此用崔浩遺法。
特不遇其君耳。雖空言無禍。使後世有人師用其
語。豈不為盛德之累。戒之哉。

法運通塞志第一

[Faint bleed-through text from the reverse side of the page]

法運通塞志第二

佛祖統紀卷三十六

西漢

都長安

高祖

劉邦

十二年上過魯祠孔子封九代孫騰為奉嗣君

述曰周秦以來為儒者尊孔子為宗師而在上之

君曾未知所以褒稱而尊事之高皇帝當干戈甫

定之日過魯祠之且封其後以奉嗣焉所以教人

以武定文守之義後代人主尊稱先聖通祀天下

為萬世師儒之法者自漢家始豈不盛哉

初呂后子為太子戚夫人子如意上愛之嘗欲易之

法運通塞志

留侯張良諫不聽呂右要良畫計良曰上所不能致者四人耳乃令太子為書厚禮以請之上燕置酒太子侍四人從太子須眉皓白衣冠甚偉上大驚謂四人曰幸卒調護太子召戚夫人謂曰彼四人輔之羽翼已成矣竟不易太子留侯本招此四人之力也志東園公者唐宣明居園中夏黃公者崔少通隱居夏里角里先生者周元道綺卑季不知姓陸秦亂隱居商山世稱四皓角音祿○韓人張良嘗游下邳地上邳音丕北音怡楚人為北有老父墮履地下顧良下取之父以足受去畢所復還曰孺子可教矣出一編書曰讀此則為王者師十三年見我濟北穀城山下黃石即我矣且日視其書乃太公兵法也後從帝過濟北果見穀城山下

黃石取而葆祠之葆即寶字留侯曰家世相韓及韓滅不愛萬金之資為韓報讎強秦天下振動今以三寸舌為帝者師封萬戶位列侯此布衣之極於良足矣願棄人間事欲從赤松子游耳乃學辟穀道引輕身辟穀道導同

惠帝盈高祖子

四年除挾書律秦律有挾書者族故今除之族誅及

文帝恒高祖中子

元年上讀老子有疑義聞河上公結草為菴于河濱常讀老子遣使問之公曰道尊德貴非可遙問帝即

駕車幸之。公授素書章句二卷，曰：余注此經以來千七百年，凡傳三人。今子四矣。帝拜跪受經，失公所在。武帝徽景帝子

建元元年始有年號議立明堂，遣使者安車蒲輪徵魯申公。

五年置五經博士。

元光二年十三祖龍樹於南天竺，以法藏付迦那提婆。八月輪三昧蟬蛻而去，壽三百歲。

元狩元年初博望侯張騫自月氏還西域國名，言臣在大夏時音下見印竹杖，蜀布問安，得此國人曰：吾賈人市之，身毒即天竺音度篤，身毒在大夏東南可數千里，此其

去蜀不遠，乃令騫因蜀犍為犍音虔今嘉州發間使王然于

等指之身毒間諜之義又間四歲餘皆閉，昆明莫能

通為昆明夷所閉。○淮南王劉安帝諸父也，招天下有術之

士，於是八公至焉，即中雷被伍，被得罪恐誅，乃誣告

安謀反。八公與安登山升天，史書不欲言神仙，言安

自殺。

四年驃騎將軍霍去病討匈奴，過焉耆山音煙支千餘

里，得休屠王祭天金人驃頗妙反屠音備匈奴部中貴王也。○霍去病

獲金人長丈餘，帝以為大神，列於甘泉宮，焚香禮敬。

佛道流通之漸也。魏書老志

元封元年上東巡狩，見老父頭上白光數尺，面有童

色上問何道對曰臣年八十五垂死有道士教臣絕穀服米飲水今日行三百里年百八十矣帝受其方。老父後入岱山○上登嵩高起道宮齋七日西南有白雲起徑趨宮庭群仙數千從西王母乘紫雲之輦命帝坐侍女進桃四枚帝收其核欲種之母曰此桃三千年一實中國土薄不能生也母命侍女王子登彈八琅之璈董雙成吹雲和之笙許飛瓊鼓震虛之簧段安香作九天之鈞帝叩頭問長生之道母曰汝性淫亂奢侈殺伐非法欲以解脫三尺全身求人不可得也乃命上元夫人出八會之書五嶽真形圖六甲靈飛符九十二事以授帝王母與夫人同乘向西

南而去帝以靈文安柏梁臺常朝拜之武帝內傳

太初元年始正歷以正月為歲首

述曰漢因秦以十月建亥為正雖文景之盛不能革正月建寅用夏正也孔子所謂行夏之時至漢武始能行之正音政舊音征今不用書怠棄三正詩正月上日音征又如字此蓋陸德明順古避始皇諱故音征至今人間猶作征音殊不知去秦既遠自合削去今人尚不知避孔聖諱豈有讀其書行其教而不知避此儒生君子所當聞諸朝著于令為可也

冬十一月天火柏梁臺真形圖錄十二事並飛入太
空帝自受法不修至德勞弊萬民遠征夷狄不從王
母訓故天見戒傳內

二年齊人東方朔仕為太中大夫上好仙術朔從西
那國得聲風木上以徧賜群臣人有疾則汗死則折
又東至吉雲之澤得五色甘露帝徧賜群臣服之老
者少疾者愈朔少時遊鴻濛之澤遇老母采桑有黃
眉翁指母語朔曰昔為吾妻託形太白之精今汝亦
此星之精吾卻食吞氣已九千餘年三千年一返骨
洗髓二千年一剥皮伐毛吾生來已三洗髓五伐毛

笑潤真記
及朔傳

征和元年魯共王

景帝子
共恭同

好治宮室壞孔子舊宅以

廣其居聞金石絲竹之聲乃不敢壞於壁中得所藏

古文虞夏商周之書及傳論語孝經皆科斗文字悉

以書還孔子更以竹簡寫之詔博士孔安國作傳初

秦末孔子襄於壁中藏其家書也

襄孔子六世孫惠
帝時有博士安國

之曾祖也壞古語反毀之曰壞科斗也
書形似之傳直繼反今尚書大傳是也

昭帝

弗武
帝子

始元元年柳人獺眈感神仙授以道術一日忽掃洒

庭除曰仙侶至矣俄紫氣氤氳白鶴數十來集化為

入天服繫麗耽入白母曰眈當為神仙不得終養因

留積曰有所乏可叩之又云明年郡有疾疫可取庭

前井水橘葉以救人少資甘旨言畢升天明年果大疫前姓龍詣母母依法救之皆愈常有之叩櫃其物立致後三年母疑開鑰視之雙鶴飛去叩之無復應後有二鶴來止郡城樓少年彈之乃以爪攫樓板成字云風浙浙兮雨淒淒城郭是兮人民非三百甲子令來歸我是猶耽彈我何爲

宜露

洵武帝曾孫

甘露三年詔諸儒論五經同異太子太傅蕭望之平奏其議上親稱制臨決

元帝

漢宣帝子

初元元年詔封孔子後孔霸爲褒成君

成帝

漢元帝子

建始元年十四祖提婆至迦毗羅國以法藏付羅睺羅多

河平三年使謁者陳農求遺書於天下

鴻嘉二年光祿大夫劉向校書天祿閣往往見有佛經向著列仙傳云吾搜檢藏書緬尋太史撰列仙圖自黃帝已下迄至千今得仙道者七百餘人檢定虛實得一百四十六人其七十四人已見佛經矣

述曰洪興祖直云梁孝標注新語引列仙傳序言七十四人已見佛經今書肆板行者乃云七十四人已見佛經蓋是道流擅改之耳然天祿有佛經

此語可證

綏和元年劉向說上宜興辟雍設庠序陳禮樂以風化天下帝下公卿議會向病卒

二年詔光祿大夫劉歆典領五經卒父前禁歆敘諸

子為九流曰儒曰道曰陰陽曰法曰名曰墨曰從橫

曰雜曰農皆起於王道既微諸侯力政儒家遺史六

宗師仲尼於道最高道家兼要元本清虛自守陰陽

家敬順歷象以授民時法家信賞必罰以輔禮制名

家名位不同禮亦異數墨家窮室採樵是以貴儉從

橫家推事制宜受命而不受辭雜家合各法兼儒墨

知國體賈王治農家勸耕蜀人楊雄放易作太玄放

柔足衣食此見前漢史論語作法言言人之性善惡混脩其善則為善人脩其惡則為惡人氣也者所適善惡之馬也

司馬君實注曰孟子言性善不善者外物誘之也

荀子言性惡其善者聖人教之也是皆得其一偏

夫性者受於天以生者也善與惡必兼有之猶陰

之與陽聖人不能無惡愚人不能無善譬之於田

稻粱藜莠相與並生善治田者耨其藜莠而養其

稻粱不善治田者反之孟子以為仁義禮智皆出

乎性者是豈可謂之不然乎然殊不知暴慢貪

惑亦出乎性也是信稻粱之生於田而不信藜莠

之亦生於田也荀子以為爭奪殘賊之心人之所

生而有也不以師法禮義正之則悖亂而不治是

豈可謂之不然乎然殊不知慈愛羞惡之心亦生

而有也是信。藜藿之生於田而不信，稻粱之亦生於田也。故揚子以人之性善惡混，混者善惡雜處於心之謂也。觀人之所擇而修之，何如耳。

哀帝 欣宣帝孫

元壽元年遣景憲使大月氏得其王口授浮圖經還。當時稍有行齋戒者。佛書佛老志云浮圖亦佛也。此云覺者。

述曰：蘊由對昭王，蘊多對穆。孔子答商太宰皆言西方聖人而不言，言為佛。霍去病獲金人亦不知為佛，化人勸穆王造迦葉佛像，由余對秦繆公。則曰佛神室，利房齋佛經，化始皇。劉向校書天祿見有佛經，景憲使月氏得浮圖經，此則已言佛而未

行其教，皆在漢明帝感夢求佛之前。天人答南也。蘊由蘊多傳教，皆佛所使也。至言劉向見有佛經者，意張騫使大夏去病獲金人，必有佛經與之俱至。特時人弗行，國史弗錄耳。不然則不應天祿有其書也。

平帝 衍中山孝王子

元始元年封周公後公孫相如為褒魯侯，追謚孔子為褒成宣尼公。封其後孔均為褒成侯，奉其祀。

東漢 都洛陽

光武 劉秀長沙定王發後

建武五年十月上幸魯祠孔子，初起太學。

十四年封孔子後孔志為褒成侯

明帝莊光武帝子

永平元年十五祖羅多至室羅伐城以法藏付僧佉
難提當佛滅一十年出

二年上幸辟雍太學也尊養三老五更鄭康成云老人更知三德五事

者李奇云王者父事三老兄事五更音庚引桓榮及弟子升堂上自為說

諸儒執經問難冠帶搢紳之人國橋門而觀聽者蓋

億萬計搢音晉插笏也

七年帝夢金人丈六項佩日光飛行殿庭且問群臣

莫能對太史傅毅進曰臣聞周昭之時西方有聖人

者出其名曰佛帝乃遣中郎將蔡愔秦景博士王遵

十八人使西域訪求佛道

九年帝崇尚儒學皇太子諸侯王功臣子弟莫不受

經外戚諸子置五經師自期門羽林之士悉令通孝

經而教亦遣子入學

十年蔡愔等於中天竺大月氏遇迦葉摩騰竺法蘭

得佛倚像梵本經六十萬言倚即立也載以白馬達雒陽

火德王故騰蘭以沙門服謁見館于鴻臚寺明廣釋曰鴻臚寺

也臚傳也所以傳聲贊導九賓唐改為同賓寺

十一年敕雒陽城西雍門外立白馬寺摩騰始譯四

十二章經譯經圖紀其經元出大部以大法藏梵本

于蘭臺石室圖佛像於西陽城門及顯節陵上明帝壽藏

帝問摩騰曰佛出世後何以化不及此騰曰天竺迦毗羅衛國者三千大千世界首億日月之中三世諸佛皆於此出夫人龍鬼有願力者皆來生彼受化悟道餘處佛雖不往然光相及數千年五百皆有聖人傳佛聲教而往化之帝大說

十四年正月一日五嶽八山道士繕善信六百九十人上表請與西域佛道角試優劣敕尚書令宋庠以十五日大集白馬寺帝設行殿于寺南門立三壇道士於東壇置經子符籙摩騰於道西置壇安經像舍利中壇奉饌食奠祀百神道士遶壇泣曰主上信邪玄風失緒敢延經義於壇以火取驗即縱火焚經悉

成灰燼道士相顧愧赧所試呪術火爇水皆不得行及焚佛經光明五色上徹天表烈火既息經像儼然摩騰涌身飛空現諸神變法蘭出大梵音宣明佛法天雨寶華大衆欣說太傅張衡謂道士曰卿等無驗宜從佛教道士費叔才自感而死司空劉峻等二百六十人京師士庶張子尚等三百九十人後宮陰夫人王健侍官人等一百九十人五嶽道士呂惠通等六百二十人並求出家帝可之勅於雒陽創十寺七寺城外安僧三寺城內安尼並給供物帝嘗幸白馬寺摩騰進曰寺東何館也帝曰昔有阜夷之復起有光怪民呼聖冢騰曰昔阿育王藏佛舍利八萬四

千塔震且之境有十九處此其一也震且又真丹文支那此云漢地

東方文物帝大驚即與俱往禮拜見圓光涌象上光

中有三佛侍衛驪孕皆稱萬歲帝大說曰木有二大

士焉知大聖遺祐哉乃詔造塔其上高九層一百尺

明年有光見于塔有金色手出若頂夫香郁然帝駕

幸瞻禮光隨步滅法本內傳○塔婆此云高顯處又云方墳

案翻譯名義云唐道士尹文操謂法本內傳是羅

什門人造意欲所述漢明夢金人道家焚經事悉

是虛偽殊不思明帝感夢出自漢書關澤對吳主

亦言釋道焚經角試費叔才自感而死見之吳志

以此推之則內傳真是漢時非晉人造文操之妄

論敗矣此與夫列仙傳加化胡字同一謬詐是亦

文操之所加乎

摩騰既卒竺法蘭譯佛本行經等五部已上並內傳

述曰或言內傳無作者名為疑者今觀此傳備錄

騰蘭角法之事豈後人所能知必法蘭譯經時諸

弟子之所記耳

楚王英奉黃縑白紵諸相國曰託在蕃輔過惡累積

奉送縑帛以贖罪愆相國以聞詔報曰楚王誦黃老

之微言尚浮圖之仁祠何嫌何疑當有悔吝其還贖

以助伊蒲塞桑門之盛饌梵語伊蒲塞即優婆塞此云清信男今受五戒攝僧

童者桑門即沙門此云息心今受具足戒攝僧者丑人未學相傳指伊蒲便為供食其謬誤不知義若此

初帝聞西域有神其名曰佛因遣使之天竺求其道
得其書及沙門以來其書大氏以虛無為宗貴慈悲
不殺以為以死精神不滅隨復受形生時所行善惡
皆有報應故所貴修練精神以至為佛善為宏闊勝
大之言以勸誘愚俗精於其道者號曰沙門於是中
國始傳其術圖其形像而王公貴人獨楚王英最先
好之通鑑引西域傳及楚王英傳注

范曄西域傳論曰佛道神化與自身毒而西漢方志
莫有稱焉禮記文武之政布在四方冊注方版也策簡也漢張蒼為御史主柱下方書又云謹連其事於左方皆木版今張騫但著地多暑溼聚象而言方志志於木方由張騫但著地多暑溼聚象而
戰班超哇列其奉浮圖不殺伐而精文善法尊達之

功廢所傳迷予聞之後說其國殷乎中土玉燭和氣
靈聖之所降集賢懿之所挺生神迹詭異則理絕入
區感驗明顯則事出天外而騫超無聞豈非道閉往
運而數開叔葉乎云云

袁宏漢紀云西域天竺有佛道焉佛者漢言覺也將
覺悟群生也其教以修善慈心為主專務清淨其精
者號沙門漢言息心蓋息意去慾而歸於無為也又
以為人死精神不滅隨復受形生時所行善惡皆有
報應故所貴行善修道以鍊精神以至為佛也佛身
長一丈六尺身黃金色項佩日光變化無所不入故
能化通萬物而大濟群生明帝感夢乃遣使天竺問

道圖其像而還有經數千卷以虛無為宗包羅精粗無所不統善為宏闊遠大之言所求在一體之內所明在視聽之外世俗之人或以為虛誕然歸於玄微深遠難得而測故王公大人視死生報應之際莫不矍然而自失焉矍然驚遽

述曰表氏漢紀言天竺有佛道佛身才六金色目光化通萬物大濟群生明帝感夢遣使問道得其經像此佛法來東之時與法本內傳相為表裏蘇子瞻為之跋云此殆中國始知有佛時語雖淺近大略具足矣

十五年三月上東巡狩幸闕里其處有廢闕址祠孔子及七

十二弟子上親御講堂命皇太子諸王說經封十九代孫孔僖為褒成侯

章帝在明帝子

元和二年三月上幸魯祠孔子於闕里及七十二弟子大會孔氏男子六十二人拜孔僖為郎中

安帝在章帝孫

永初元年十六祖難提至摩提國以法藏付僧佉那舍

四年詔謁者陳珍及五經博士校定東觀五經諸子傳記百家藝術

延光元年陰長生者陰皇后之屬師事馬明生學道

度世同入青城山。煮黃土為金，立壇授以太清神丹。經長生合丹，服其半，不升天。大作黃金數十萬斤，以施窮乏。在民間二百年後，於平都山白日升天。

順帝 保安 帝子

永和元年，十七祖邪舍。至月氏國，以法藏付鳩摩羅。默佛記滅後一千年出。○魏伯陽者，上虞人，好道術。與弟子三人入山，作丹。丹成，先服之，即死。弟子虞生曰：「吾師非凡人，服丹而死，將有意焉。」亦服丹而死。餘二弟子疑，不服。出山求棺木，伯陽即起，將虞生皆仙去。逢入山伐木人，作書寄謝。二弟子伯陽作參同契。

五將類三卷，其說似解周易，而假借爻象以論作丹之事。儒家不識其旨，唯以陰陽二義為之注釋。

桓帝 志亭帝 曾孫

建和元年，月氏國沙門支謙至雒陽，譯般舟三昧阿闍佛經等二十一部。

二年，安息國沙門安世高至雒陽，譯五十校計等百七十六部。○王遠舉孝廉為郎中，棄官入山修道。帝徵詣京師，題宮門四百字，說方來之事。帝惡之，使削去。墨徹板愈明，遠過吳，住蔡經家，召麻姑各進行厨。金盤玉杯，摩麟脯，姑云：「已見東海三變桑田，向到蓬萊水，又淺於昔日。」遠曰：「聖人皆言海中行，復揚塵經。」

見姑手爪似鳥。心念昔大癢時得此。爬背遠使入牽
經鞭之。麻姑神人。汝何謂。不可爬背。經謂父母曰。王
君常在崑崙山。往來羅浮。括蒼。皆有宮室。主天曹事。
地上五嶽生死之事。皆先告王君。

永壽二年九月九日。天師張道陵在閬州雲臺山。老
君遣使者持玉冊授陵。正一真人。與夫人雍氏同升
寶車。弟子王長。趙昇。皆同升天。道陵本居餘杭。天目
山。漢光武建武十年正月。望日生。七歲能誦道德經。
章帝元和二年。以博士召。不起。乃去。學長生隱居雲
錦山。今信州龍虎山和帝永元四年。就拜諫議大夫。辭疾。復
徵為太傅。封箕侯。語使者曰。為我謝天子。九霄金闕

業已為巨矣。遂轉入嵩山。咸老君夢中告曰。石室有
黃帝九鼎大丹經。可往受之。後果獲得。家貧無貲。可
鍊乃入蜀。隱鶴鳴山。依法鍊丹。三年乃成。謂弟子曰。
當為國家興利除害。以濟民庶。然後服丹。輕舉。臣事
三境。庶無媿焉。乃攝伏魔鬼。奪二十四治。化為福庭。
老君復命陵。參駕朝玉晨大道君。授以天師印綬。雌
雄一劍。正一盟威。秘籙。三清衆經符圖。人有疾患。官
災。隨事輸米。以贖罪。疏過悔謝。弟子戶至數萬。桓帝
建和二年。降十二神女。掩於井中。化鹹泉為鹽井。今
井監是。永壽元年。老君命陵同遊成都地。祇涌玉局。高
丈餘。以為寶座。老君登座。說南北二斗經。老君既去。

玉局復陷為井是今玉局觀明年老君遣使召陵升天

天師傳

順帝時張陵學道鶴鳴山受其道者出米五斗陵傳子衡衡子魯魯自號師君其來學者初名鬼卒後號祭酒各領部衆有病者令首過諸祭酒各起義舍於路置米肉以給行旅民夷信向之朝廷就拜鎮夷中郎將領漢寧太守曹操入南鄭封魯閬中侯卒謚原侯子富嗣後漢書劉焉傳熹平中漢中有張脩為太平道張角為五斗米道太平道師教人叩頭思過因以符水飲之使病家出米五斗後角被誅脩亦亡魯因其人信行遂增師之教

起義舍典

張魯祖父陵客蜀學道在鶴鳴山造作道書以惑百姓受道者出米五斗世號米賊陵死子衡傳其業衡死魯復傳之魏志初鉅鹿張角奉事黃老以妖術教授號太平道咒符水以療病令病者跪拜首過或時病愈衆共神之角分遣弟子周遊四方轉相誑誘十餘年間徒衆數十萬自青徐幽冀荆揚兗豫八州之人莫不畢應凡三十六方方猶將軍也大方萬餘人小方六七千角弟子唐周上書告之有詔逐捕角等角教諸方俱起皆著黃巾以為標幟故時人謂之黃巾賊旬月之間天

下響應角起於靈帝詔皇甫嵩討角嵩與角弟梁戰

大破之斬梁角先已病死剖棺戮屍傳首京師後漢書

傳

述曰事固有真偽相雜而失其實者夫五斗米道此老君授天師正一盟威法中之一端也天師於順帝時行之於蜀矣天師父子得道仙學逮今龍虎山勝迹儼然子孫為嗣師者不絕是亦歷朝之所尊事真也張脩張角在靈帝時當天師之後假五斗米道轉教徒眾徧於八州為三十六方方備將軍也一旦反叛而卒致誅戮偽也然作史者或有時而過論故真偽之間後人不能以察今詳漢書劉

焉傳言從陵受道者出米五斗陵至魯二世始封閭中侯而子富嗣此范曄所述而無復他辭及覽魏志則云陵作道書惑百姓出米五斗世號米賊此陳壽所述而頗形譏毀至於典略之說則又謂張角為五斗米道被誅魯因其人信而增飾之此說則甚為失義蓋魯行米道自是祖法何必因角而為之是知魏志典略俱乏通識妄事否臧未若漢書之為實錄也李膺蜀記者不知為何代文言陵侮慢人鬼為大蟒所喻此謗瀆之言何忍輕肆世或稱三張者是則以天師之尊下同黃巾之徒此有識者所當諱也

三年十八祖羅馱至北天竺以法藏付闇夜多

延熹八年宦官使牢脩上書告司隸校尉李膺養太

學遊士交結諸郡生徒共為部黨誅謗朝廷帝震怒

班下郡國逮捕黨人下膺等北寺獄辭及杜密陳翔

陳寔范滂之徒二百餘人皆天下名賢膺等多引宦

官子弟宦官懼請帝以天時宜赦黨人得皆歸田里

書名三府禁錮終身

九年自永平以來臣民雖有習浮圖者天子未之好

至帝始篤好之於禁中鑄黃金浮圖老子像佛像與老子像

親於濯龍宮設華蓋之坐用郊天之樂華呼瓜瓜座同

靈帝宏章帝

建寧元年宦者曹節使鄭廙捕太尉陳蕃於北寺獄
殺之黃門令王甫將羽林千餘人圍大將軍竇武武
自殺收捕宗親賓客悉誅之宦官疾惡李膺等每下
詔輒申黨人之禁曹節請下州郡考治鈎黨李膺詣
詔獄考死門生故吏並被禁錮黨人死者百餘人天
下豪傑儒學自行義者宦官一切指為黨人其死徒
廢禁者又六七百人

三年安息沙門安世高有同學死為共亭湖神共音恭即

家此湖千里以昔布施今大有珍寶以多瞋今受蟒

身幸取我繒寶為造一塔祈生善處世高遂於豫章

身幸取我繒寶為造一塔祈生善處世高遂於豫章

建寺造塔後蟒死山中首尾數里安寺

熹平元年十九祖閣夜多至羅閱國以法藏付婆修

槃馱

四年詔諸儒正五經文字刻石于太學門外

光和三年西天沙門竺佛朔至雒陽譯道行般若經

二年老君降天台山以大洞靈寶經授仙人葛玄及

上清齋法并三籙金籙保鎮國祚玉籙保佑貴族黃

籙拔度七祖復授感應篇示世人罪福為善去惡之

事

述曰本朝李昌齡有注感應篇旁引釋道經論

及世間傳記以為善惡報應之驗最有發明近世

鄉貴有為讚以並行者尤見慕善之意

中平五年清信士嚴佛調譯古維摩經等

六年宦者張讓詐以太后詔召大將軍何進斬之中

軍校尉袁紹引兵捕諸宦者殺二千人張讓投河死

述曰儒學之厄時常有之其始自秦李斯斯阮諸

生為即者七百人漢宦官禁錮陳寔范滂等二百

人殺天下儒賢廷中宰輔陳蕃竇武李膺及鉤黨

死者百餘人廢徒禁錮者七百人及矯詔斬大臣

何進而袁紹乘怨殺宦者二千人雖為一快然君

子小人俱於死玉石俱焚亦何足為儒門幸大氏

天有定命運有通塞厄會之來所不容免唐朱溫

殺朝賢三十人，投屍于河，亦一厄也。悲夫！如釋氏之厄，三武皆此類也。

獻帝中子

初平元年二十祖槃馱至那提國以法藏付摩拏羅。○左慈見漢祚將終乃入天柱山學道得金液九丹經於石室能變化萬端曹操聞而召之欲從學慈曰學道當清淨非尊貴穢淫所宜也操欲殺之人見慈斷其頭以獻及視之乃一束茅耳後與弟子葛仙翁別入霍山合丹仙去。太武時大將軍討吐谷于二年蒼梧儒生牟子因世亂無仕宦意銳志佛道而世多非之乃製理惑論以為勸其辭有云佛者覺也

猶三皇神五帝聖也文見大藏弘明集

述曰牟子不得其名當佛道未大行之日而能為論援三家之事義比決優劣以祛世惑以禦外侮是殆太士示迹如來之使也

興平二年下邳相笮融側格反起佛祠諫人誦經俗佛設齋時會者五千餘人

述曰漢世人間建佛祠行佛事者始見之笮氏嘗與一儒老共觀此文笑之曰為士夫而使後世書為學佛豈不恥哉。譬應之曰學佛者豈不是為善之人乎。為士夫而使作史者指為姦佞貪酷甚至於不忠不孝者斯可為恥。學佛為善尚何恥哉。儒

老笑頷之

建安元年二十一祖摩拏羅至月氏國以法藏付鶴勒那

十四年二十二祖鶴勒那於月氏國以法藏付師子尊者先是鶴勒那弟子竺大力等來維陽與康猛同譯興起本行經忽於館所有白光見大力斂容有間曰此我師入滅之相大力康猛支曜康巨等皆善方言終漢之世譯經三百餘部○嗣天師第四代張盛為議郎棄官南遊至鄱陽尋天師鍊丹井結廬以居九年丹成尸解而化人名其山曰龍虎以山似之也
今張氏子孫多居山北

魏陽時天下

文帝受漢禪

黃初元年封孔子二十一代孫孔羨為崇聖侯○吳主孫權於武昌建昌樂寺

五年月氏國優婆塞支謙來洛陽謙受業於支亮亮受業於支識世稱天下博知無出三支謙細長黑瘦眼白睛黃時人語曰支郎眼中黃形軀雖細是智囊後避地歸吳拜為博士○西天沙門維祇難同竺律炎來吳譯經五部

六年陳思王曹植文帝弟每讀佛經輒留連嗟翫以為至道之宗極嘗遊漁山聞空中梵天之響乃摹其

聲欲寫為梵唄

音啟此云發漢

撰文制音凡六契

經音義云攝一節也

傳為後式

明帝

教文帝子

大和三年吳潘夫人於武昌建慧寶寺

景初三年初葛玄從左慈受九丹經吳主召見待以

客禮久之衣冠入室卧而氣絕大風雷委衣在牀尸

解而去是歲老君賜金簡命為太極左仙公

齊王

方明帝養子

正始二年吳赤烏四年康居國沙門康僧會來吳國

人初見咸驚異之吳主曰是漢明所夢佛神之遺風

乎乃召問之會曰如來遷化已逾千載靈骨舍利神

應無方吳主曰舍利可得當為立塔若其無驗國有

常用會謂其徒曰大法廢興在此一舉當潔齋以懇

求七日無驗展至三七日衆且懼忽鏗然有聲視餅

中舍利五色吳主自執餅馮銅盤中盤即破裂火燒

鎚擊一無所損因起浮圖置建初寺名其地曰佛陀

里

三年吳尚書令闕澤捨宅為德潤寺

在四明慈谿縣今各音濟澤字

德潤吳主問曰孔子教化世俗老莊放蕩山林何事

佛為澤對曰孔老法天制用不敢違天諸天奉行佛

教不敢違佛以此言之實非比對吳主曰佛教入中

國何緣不及東方澤曰永明十四年五嶽道士褚善

信費叔才等與西僧角法費叔才自感而死至今百
七十年離亂歲深方至於此

述曰三國之時各務戰守而於此道未之能弘然
吳之君臣稍有知者故建寺譯經奉舍利論佛教
班班可見魏之境獨陳思王能知之蜀則蔑聞意
戰國遐阻未便能至耳

嘉平二年中天竺三藏曇摩迦羅至洛陽譯僧祇戒
立大僧羯磨受戒先是比丘出家特剪髮而已未有
律儀凡齋懺法事如祠祀狀及迦羅至始出戒本遂
為日用

四年中天竺沙門康僧鎰至洛陽譯無量壽經

高貴鄉公髦文 帝孫

正元元年漢魏以來一衆唯受三歸大僧沙彌曾無
區別曇摩迦羅乃上書乞行受戒法與安息國沙門
曇諦同在洛出曇無德部四分戒本十人受戒羯磨
法沙門朱士行為受戒之始迦羅此云法時曇無德
此云法止今資持律宗
用法止為四分部主尊為始祖法時至此士傳四分
行十人受戒法為二祖至南山廣述疏鈔行於世為
祖九

甘露元年天竺沙門白延至洛陽譯無量清淨平等
覺經等六部無畏三藏至交州譯法華三昧經○吳
主孫皓不敬佛法毀廢寺宇詰康僧會曰佛言善惡
報應可得聞乎會曰明主以孝道治天下則赤烏翔

老人見漢書南極老人星見則治安以仁德育萬物則醴泉涌嘉禾生善既有徵惡亦如之他日宿衛治園得金像皓使置穢處灌以不潔穢得腫疾占者云坐犯大神皓悟迎像供事請會說法禮拜悔罪受五戒疾獲愈奉會為師復營立塔寺

四年二十三祖師子尊者遊化至罽賓國有外道詐為僧形以幻術入王宮奸犯妃后王怒曰吾信事三寶而沙門何多辱我即毀寺害僧自乘劍至尊者所斬師白乳涌高數尺王臂尋墮七日暴死自地葉茹祖至師子

事迹之詳備在西土二十四祖統

五年潁川沙門朱士行

時存俗姓

講道行般若經

講經之始

每

數譯理未周乃發迹長安至于闐國沙門西遊之始得梵本般若國禁不傳東土士行請驗以火無損王信異乃許其傳士行即寄經東歸因名放光般若

法運通塞志第二

